

կատարեալ կատարելոյն ծնող, Հայր Արդոյ միածնի և մի տէր միայնոյ. Աստուած յԱստուծոյ, կերպարան և պատկեր աստուածութեանն, բան գործաւոր, իմաստութիւն պարառական, ամենեցուն ընդ լինելութեամբ անկեղծաց և զօրութիւն, բոլոր էիցս արարող. Արդի ճշմարտ՝ ճշմարտին, անապական՝ անապականին, անմահ՝ անմահին, մշտնջենաւոր՝ մշտնջենաւորին մի Հոգի Սուրբ Աստուծոյ զէութիւնն ունելով և Արդոյն երեւեալ մարդկան յայտնապէս, կատարեալ՝ կատարելոյ, պատճառ կենդանեաց, սրբութեան շնորհօղ, որով ծանուցանի Հայր, որ ի վերայ ամենեցուն և յամենեօնի և Արդի Աստուծոյ, որով ամենայնք, Երրորդութիւն կատարեալ փառօք և մշտնջենաւորութեամբ և թագաւորութեամբ, անբաժանելի, անօտարելի ոչ ըստեղծական ինչ և ոչ ծառայական ինչ յերրորդութեանն կամ ի ներքս ածական, որպէս թէ յառաջագոյն չէր՝ զկնի ի ներքս ածաւ. զի ոչ երբէք նուազեաց Արդի ի Հօրէ և ոչ ի Հօրէ և յԱրդոյ Հոգին Սուրբ, այլ անփոփոխելի, անայլայլելի երրորդութիւնն միշտ:

Դ ա մ ա ս ու շ ա ո մ ա յ. ԺԱ.

Այսպէս հաւատամք և խոստովանիմք ի հայր և յԱրդին և ի Հոգին Սուրբ՝ Երրորդութիւն անբաժանելի, սկիզբն և զազարումն նուազ և առաւել ոչ ունի. հոգի է Աստուած և խոստովանիմ զերիսն ի միութիւն և զմին յերրորդութեանն. Հայր անձին է և ծնող զԱրդի. Արդի ծնունդ և անձին, Հոգի եւլօղ և զազարումն ի Հօրէ առ Արդի, անեղբ երեք անձնաւորութիւնք և մի բնութիւն:

Կ. Վ.



ԵԿԵՂԵՑԱԿԱՆ ՔՐՈՆԻԿՈՆ

ԿԱԹՈՂԻԿ ԵԿԵՂԵՑԻ

— Հռովմից բաժանուած եկեղեցիներ ի կրկին միութեան դործը Լեոն ԺԳ. իւր քահանայապետութեան կէտնպատակին և դարձել, Հռովմում պապը կաղմել է մի պաշտօնական յանձնախումբ 8 ծիրանաւորներից և եպիսկոպոսներից, այդ «սուրբ յանձնախումբ» նախագահն ինքը պապն է. Ինչպէս սովորութիւն է այդպիսի յանձնախումբերի անգամներին պապը նշանակում է և գիտնական խորհրդականներ, որոնք պէտք է բոլոր խնդիրները մշակեն:

— Հռովմի աթոռի տարեցուցից տեղեկանում ենք մի քանի հետաքրքրական փաստերի՝ պապական եկեղեցուն վերաբերեալ. Այժմեան պապը հռովմեական քահանայապետների շարքում 263-երորդն է. Պապի խորհրդարանն (Collegium) այժմ 62 անդամ ունի (փոխանակ 70-ի). Կարդինալներից ամէնից ծերն է Մարտէզը, որ 90 տարեկան է, որից յետոյ երկրորդ է կարդինալ Կանոսան 87 տարեկան, իսկ պապը զրանցից յետոյ երրորդն է իւր հասակով (86 տարեկան): Բացի 62 ծիրանաւորներից պապական եկեղեցին ունի 10 պատրիարքութիւնների, 815 արքեպիսկոպոսութիւն և եպիսկոպոսութիւն արեմուտքում և արեւելքում և 343 եպիսկոպոսութիւնք և արքեպիսկոպոսութիւն ի ռաժիս հեթանոսաց (in partibus infidelium): Այժմեան պապը հիմնել է 203 առաջնորդութիւն, փոխանորդութիւն և առաքելական նուիրակութիւններ:

— Աւինիոնի այն պալատն, ուր ապրում էին հակաթոռութեան միջոցին պապերը, առաջարկուած է Լեոն ԺԳ-ին ի պարգև, սակայն պապն ամենեւին չի մտածում հեռանալ Վատիկանից:

— Պրանսիայում երրորդ հասարակապետութեան կռիւր եկեղեցու հետ վերջ չունի. հէնց որ կառավարութեան զեկն ընկնում է արմատականների ձեռքը, անմիջապէս արշաւանքն սկսում է Հռովմի ընդդէմ:

Բուրժուայի նախարարութիւնը զուտ արմատական լինելով հանդերձ չափաւորութիւն է ցոյց տալիս ամենայն խնդիրներում, բայց եկեղեցու վերաբերութեամբ չէ կամենում ոչ մի զիջողութիւն անել. Սկսած 1878 թուականից մինչև այսօր հոգեւոր վարչութեան նախահաշուից տարեկան 8 միլիոն ֆրանկ պահասացրած է. Կառավարութեան կառուելու միջոցներից մէկն էլ այդ է, որ կարճելով եկեղեցականների ռոճիկները, խեղճացնէ նրանց, այս նպատակով է ահա, որ 53 /, միլիոն ֆրանկի ծախքն այսօր դարձել է 45 միլ. կրճատման է ենթարկուել մանաւանդ եկեղեցականների ռոճիկը, որից պակեցրած է 2,742,495 ֆրանկ. Ցաւալին այն է, եկեղեցիների շինութեան, նորոգութեան և պահպանութեան նախահաշուն էլ կրճատուած է, մինչդեռ այդ գումարն առաջ 3,150,000 ֆրանկ էր, այս տարի նշանակուած է 1,800,000 ֆր. Կաթոլիկ միախոնի համար այս տարի նշանակուած է 665,000 ֆր. որ դործ է գրուում ոչ միայն ֆրանսիական օտարերկրեայ եկեղեցիների համար, այլ զրանց օժանդակութիւն են ստանում արեւելեան Հռովմի հետ միացած եկեղեցիք, ինչպէս ասորական, հայկական, քաղզէական, զպոնների և բողղարների կաթոլիկ եկեղեցականները. Այս ծախքերը կառավարութիւնը չէ կրճատում, որովհետև դրս նշանակութիւնն է ֆրանսիական քաղաքական

ազդեցութեան տարածելը: Այն եկեղեցիք որ օժանդակութիւն են ստանում Պրանսիայից, պարտաւորուել են իրենց դպրոցներում ֆրանսէրէն ուսուցանելու:

— Պրանսիական մի օրէնքի զօրութեամբ, որ հրատարակուած է 1889 թ., ծնողները զրկուում են իրենց որդոց վրայ ունեցած իրաւունքից, եթէ նրանց անխնամ թողնեն կամ չարչարեն, Տարեցտարի այս պատժի ենթարկուողների թիւն աւելանում է. 1891-ին դրանց թիւն էր 806, 1892-ին արդէն 1107:

— Պրանսիայում հիմնուել է մի նոր ընկերութիւն հակառակ մասսոնութեան. այդ ընկերութիւնը պիտի կոչուի «Labarum» (այսպէս էր կոչուում Վոստանգին կայսեր խաչանիշ դրօշը), Անկերութեան նպատակն է ամենուրեք կոխ մղել ընդդէմ մասսոնականութեան, որի կազմակերպութեան բոլոր խորհրդաւոր նշանների փոխանակ համապատասխան նշաններ են սահմանուել այս ընկերութեան մէջ: Անդամներն երեք կարգի են բաժանուում. ստորին աստիճանն է. «Վոստանգինի Լեգէոնար», երկրորդն է. «զինուոր սրբոյն Միքայէլի» և երրորդն ու վերնագոյնն է. «ասպետ սուրբ օրտի», կանանց համար սահմանուած է «Յովհաննա Դ'Աբբի քոյրերի» դասը:

— Հասարական բարեգործութիւնը Պրանսիայում ըստ ազգային ժողովի յատուկ մասնաժողովի ղեկուցման հետեւեալ թուերով է արտայայտուում. Պրանսիայում կայ 15,000 օժանդակութեան գրասենեակներ (Bureaux de bienfaisance), որ պահպանում է երկու միլիոն անձինք՝ 32 միլիոն տարեկան ծախսելով դրանց վրայ և 6 միլիոն և վարչական ծախք ունենալով: Վեց միլիոն վարչական ծախքը շատ մեծ է, եթէ աչքի առաջ ունենանք, որ այդ պաշտօնը պատուոյ պաշտօն է: Անբուժելի անգամայոյժների հիւանդանոցներում կան (3,000 անկողին, Այդ հաստատութիւնները խնամում են 26,482 տղամարդ (1,23 ֆր. օրական իւրաքանչիւրի վրայ ծախսելով) և 27,528 կանայք (1,18 ֆր.) 9989 մանուկ (1,02 ֆր. օրական ծախքով): Երեքերի ապաստանարանում կան 4,500 դաւամալք, որոնց վրայ ծախսելով օրական 1,50 ֆր. ընդամենը ծախսուում է 5,463,760 ֆր.: Պրանսիայում մուրացկանութիւնը բառնալու համար պահանջուում է այլ ևս 9 միլիոն ծախք:

— Սպանիական եկեղեցականների գլուխը, ծիրանաւոր Վասկայարէսը իւր խոյր գնելու հանդիսի միջոցին մի ճառ է խօսել, որի մէջ մատնանիշ է արել սպանիական եկեղեցականութեան և պինուո-

րութեան մէջ եղած կպի վրայ: Նորապսակ ծիրանաւորն ինքը սպանիական բանակի թնդանթաձիգների սպաններին է, ինչպէս և սպանիական կայուն զօրաբանակ կազմող ծիրանաւոր Այսներոսն էր և յիսուսեանների կարգի հաստատողն ևս մի զինուորական էր: Իգնատիոս Լոյոլան, Սպանիայում, ասաց ծիրանաւորը, հայրենեաց զինուոր և ֆրանսիական զինուոր լինելու միտքն ունի էն շանկում: Ինչպէս որ ծիրանաւորի կարմիր խոյրը նրա պատրաստակամութիւնն է յայտնում իւր արիւնը թափելու հաւատի համար, այսպէս էլ նոյն զինարկը կարող է նշան լինել նրա հայրենեաց պատուոյ և անկախութեան համար կոռուելու: Հանդիսից վերջը թնդանթաձիգ զօրքի զօրավարներն ու սպանները մերձեցան ի համոյր իրենց զինակից ծիրանաւորի աջին:

— Հռովմէական կղերի անհամբերողութեան մի ապացոյց տուաւ վերջերս Ելզասի Վիշ գիւղի կաթոլիկ քանանան, որ մերժեց մի լողըքականի գին կաթոլիկների գերեզմանատանը թաղելու թող տալ և առաջարկեց նրան՝ թաղել ինքնասպանների հանգստարանում: Քաղաքական իշխանութեան միջամտութեամբ լողըքականին այնու ամենայնիւ թաղեցին գիւղի գերեզմանանոցում, որի վրայ առաջնորդի կողմից բանադրանք կարդացուեցաւ, ուստի կաթոլիկ քահանայն այդ գերեզմաննոցը մտնելու այլ ևս իրաւունք չուներ:

— Բոլղարիոյ իշխան Ֆերդինանդը յոյսը կտրելով առանց ուսաց Վայսեր հաւանութեան Բոլղարիայում մնալու վճռել էր անցեալ տարուան վերջին մի մեծ զոհաբերութիւն անելու. իր անդրանիկ երկամայ Բորիս որդուն օրթոդոքս մկրտել տալու: Նրա այս վճռին ընդդիմութիւն էր ցոյց տալիս իւր ամուսինը, Մարիա Լուիզան, որ Պարմայի քսի ազդիկն է, ինչպէս և իւր ամբողջ ազգականութիւնը, Ֆերդինանդ իշխանը մի և լք գտնելու համար գիմեց պապին, որ թոյլտուութիւն ստանայ, անձամբ գնաց պապի գովմը շարժելու համար, սակայն ի դուր. Հռովմը երբեք չէ դաւաճանում իւր սկզբունքներին: Այսու ամենայնիւ Ֆերդինանդը կատարեց իւր ժողովրդին տուած խոստումն և փետրուարի 2-ին Բորիսը օրթոդոքս մկրտուեց բոլղարական էքսարքոսի ձեռքով, կնքահայրութեամբ ուսաց Վայսեր յատուկ ներկայացուցիչ իշխան Գոլենիշէ—Վուսուզովի: Ֆերդինանդը վարձատրուեց իւր այդ քայլի համար և այժմ բոլոր վեց մեծ պետութիւններից ծանաչուած իշխան է Բոլղարիոյ: Հռովմը յայտնի դադապարտեց նրա այդ քայլն և պապի բերան «Osservatore Romano» նրան

ուրացող է կոչում՝ և Բուլղարիոյ կաթողիկե եպիսկոպոսը հրամայել է եկեղեցում աղօթքի մէջ այլ ևս չլրջատակել il apostata Ferdinando-ին (ուրացող Ֆերդինանդին)։ Զարմանալի է, որ Լեոն ԺԳ. աւելի խիստ չվարուեց Ֆերդինանդ իշխանի հետ և չբանադրեց նրան, ինչպէս սպասուում էր։ Լրագիրներն հաղորդում են, որ իշխանի ամուսինը մտադիր է բաժանուել նրանից, բայց պապը խորհուրդ չէ տուել նրան այդ քայլն անելու։

— Հռոմէայ պապի բերան L'Osservatore Romano լրագիրը հանգանակութիւն է բացել և դրամական նուէրներ է ընդունում ի նպաստ մեր տաճկահայ առապետաւ կղերայրների, նուիրատուների անունները և նուիրաբերութեանց չափը իտալական լրագիրը տպագրում է Per l'Armenia (Հայաստանի համար) վերնագրի տակ։ Ի միջի այլոց այն փետրուարի 11, թ. 33-ի մէջ գտնում ենք նոյն վերնագրի տակ և օթն անձանց մի ցուցակ, որից տեսնում ենք որ երկու խաղացի եկեղեցական նուիրել են 100-ական ֆրանկ (lira), երկու դարձեալ խաղացի եկեղ. 50-ական ֆր. և չորս հայ կաթողիկե հոգևորական մէկը—12 ֆր. միւսը—10 ֆր. (Il P. Procuratore dei Padri Mekitaristi Armeni di Venezia և Un Sacerdote armeno cattolico).

ՉԻՆ ԿԱԹՈՒԼԻԿՆԵՐ.

— Հին կաթողիկեների կրօնական թերթը, որ կոչւում է Միջազգային աստուածաբանութեան ամսագիր, հրատարակել է գովասանք Կ. Պոլսի տիեզերական պատրիարքութեան պապին ի պատասխանի գրած հերքման թղթի թարգմանութիւնը, որ մեծ գոհունակութիւն է պատճառել օրթոդոքսներին։

— Հին կաթողիկեների նշանաւոր պարագլուխներից մէկը մեռաւ։ Յովսէփ Հուրերտ Ռայնկէնս եպիսկոպոսի մահը, որ մեռաւ յունուարի 4-ին, մեծ կուրուստ է հին կաթողիկեների մատաղակազմ եկեղեցու համար։ Ռայնկէնսը ծնուած է 1821 թուին, ուսել էր Բոննի աստուածաբանութեան համալսարանում և դոկտորի աստիճան էր ստացել Միլնիէնում, իսկ 1848 թուի սկզբներին հոգևոր կոչումն էր ստացել։ Երբև եկեղեցական պատմութեան ուսուցչապետ մեծ հռչակ էր ստացել նա Եւրոպայում, բայց Վատիկանի ժողովի հակաակորդներից լինելով՝ նեթարկուեց Հռոմի հալածանքին, ուստի և Դեօլլինդերի խմբի մէջ մտնելով՝ հին կաթողիկե եկեղեցու սիւններից մինը դարձաւ։ Քսան և երկու տարի շարունակ հին կաթողիկեների առաջնորդը լինելով՝ նա ամէնքի սէրն ու համբերութիւնը գրաւել էր։ Ռայնկէնսի մահուն

վրայ կաթողիկեները չյապաղեցին իրենց ուրախութիւնը յայտնել, այս մասին նշանաւոր է Osservatore Romano-ի խօսքերը, որ Ռայնկէնսին սուտ եպիսկոպոս է կոչում և առաջնորդ խաւարամիտ և տգէտ եկեղեցականութեան մի մասի, որոնք յանդգնել էին Հռոմի քահանայապետի անսխալականութիւնը չճանաչել։

— Հին կաթողիկեների թիւն այսօր Գերմանիայում հաշուում է 50,000 որ համեմատելով պապականների հետ, 400 պապական կաթողիկի մի հին կաթողիկե է դալիս։

ՕՐԹՈՒՌՔԱՅ ԵԿԵՂԵՑԻ.

ՏԻԵԶԵՐԱԿԱՆ ՊԱՏՐՈՒՆԸ ՔՈՒԹԻՒՆ.

— Յունաց բարձրագոյն հոգևոր վարժարանը, որ գտնուում է Կ. Պոլսում, Խալկի կղզու վրայ, յայտնի է, որ աւերուած է երկրաշարժով։ Այժմեան պատրիարք Անթիմոս Ը. դահ բարձրանալու օրունից առանձին հոգս է տանում այդ դպրոցի վերաշինութեան համար։ Արդէն մեծագումար նրպաստներ են ստացուած ամէն կողմերում՝ ապրող յոյներից և դպրոցի վերանորոգութիւնը աւարտուելով՝ ուսումը վերանկատուած է այնտեղ։

ԵՐՈՒՍԱՆԱԼՆԻ ՊԱՏՐԱՐԵՐՈՒԹՅՈՒՆ.

— Ռուսաց պաղեստինեան ընկերութիւնը հետզհետեւ աւելի մեծ նշանակութիւն է ստանում ուսումնական գործերն այսուհետեւ այդ ընկերութեան խնամքը պիտի վայելեն և ազատուեն յոյն եկեղեցականների արհամարհանքից։ Ռուսաց Կայսեր մի առանձին հրովարտելով պաղեստինեան ընկերութեան վրայ պարտք է դրուած հոգալ ուսումնականների և օրթոդոքս եկեղեցու մասին Երուսաղէմում։

ԱՆՏԻՈՔԻ ՊԱՏՐԱՐԵՐՈՒԹՅՈՒՆ.

— Այս պատրիարքութեան վիճակը նախանձելի չէ, շնայելով որ Սպիրիդոն պատրիարքը իւր ընտրուած ժամանակ խոստացել է մի բարձրագոյն հոգևոր դպրոց բանալ, բայց ահա երրորդ տարին է, որ դպրոցին յատկացրած շէնքի մէջ պատրիարքի ծառայքն են ապրում և խոստացուած 10,000 լիրան մոռացութեան է տրուած։ Օխական զը պրոցնէրն ևս հետզհետեւ փակուած են, որովհետեւ ժողովուրդը կաթողիկեների ու բողոքականների ձրի դպրոցներն է տալիս իւր որդիքը։ Նոյն իսկ հին վանական կալուածներն էլ ծախուում են կաթողիկեներին։

ԱՆԶՍՏԱՆԻՐՈՒՆԸ ՊԱՏՐԱՐԵՐՈՒԹՅՈՒՆ.

— Անցեալ տարի Ալեքսանդրիոյ Սոփրանիոս

պատրիարքը տօնեց իւր 97-ամեայ ծննդեան տօնը։ Սոփրոնիոս պատրիարքի գործունեութիւնը հազիւ կարողանում է տարածուել Եգիպտոսի վրայ, մինչ ամբողջ սև աշխարհը (Ափրիկէ), որ այժմ՝ կոռույ խնձոր է՝ Եւրոպացոց մէջ, գրաւել է արդէն կաթոլիկ և բողոքական կկեղեցիներից բաղմամբիւ միսիոնարները։ Նոյն իսկ այս նպատակով է, որ պապը վերջերս Աղեքսանդրիոյ կաթողիկ պատրիարքութիւն հիմնեց, որի ազդեցութիւնը պիտի տարածուի և Հարեշտանում։

ՅԱԼԻՆԱԿԱՆ ԵՎԵՂԵԾԻ.

— Նոր Յունական կամ հելլենական եկեղեցին ևս հեծում է այն մեծ զրամական ճգնաժամի տակ, որին ենթակայ է այդ տերութիւնն ամբողջովին։ Այդ երջանիկ թագաւորութեան մէջ բազմաթիւ թեմեր առանց առաջնորդների են մնացել, որովհետև թեմականների ծախքն հոգալու դրամ չկայ։ Ամենքի համալսարանում աստուածաբանութեան ամբիոնները թափուր են, որովհետև դրամ չկայ։ հոգևոր դպրոցները ծխականների չափ էլ ուսում չեն տալիս։ որովհետև դրամ չկայ։ Այս բոլոր թշուառութեանց վրայ նորերս աւելացաւ և այդ եկեղեցու պետի Գերմանոս մետրապոլիտի մահը։

ԲՈՂԱՐԱԿԱՆ ԵՎԵՂԵԾԻ.

— Յունուար և փետրուար ամիսները բոլորական ազգի և եկեղեցու պատմութեան մէջ դարագլուխ կազմեցին։ Բոլլարիոյ իշխան Ֆերդինանդը փետրուարի 2-ին իւր որդի Բորիսին օրթոդոքս մկրտել տուաւ։ Այս մկրտութեան ժամանակ մեծամեծ հանդէսներ կատարուեցան Սոփիայում, ուր հասել էր և Ռուսիոյ մեծազօր Կայսեր ներկայացուցիչ իշխան Գոլէնիշչեմ—Պուտուզովը, Ռուսիան իւր յարաբերութիւնը վերանորոգեց Բոլլարիոյ հետ և վեց պետութիւնները ճանաչեցին Ֆերդինանդին Բոլլարիոյ իշխան։ Մկրտութեան հանգէս է կատարել բոլլարների էքզարքոսը, որ յատկապէս Կ. Պոլսից հրաւիրուած էր։ Ռուսաց մամուլն անասհման հրճուանք արտայայտեց այս առթիւ, միայն «Մանկապետ. Աւետ.» և «Գրաթղթանիւր» քաջութիւն ունեցան իշխան Ֆերդինանդին յանդիմանութիւններ ուղղելու նրա այդ հակակրօնական գործողութեան մասին։ Նշանաւոր է և էքզարքոսի Բոլլարիա գնայն, ուր նա ութ տարուց ի վեր ոտք չէր դրել։ Օգուտ քաղելով այս առթից «Յերկ. Աւետ.» խորհուրդ է տալիս տիեզերական պատրիարքին ճանաչել վերջապես բոլլարական էքզարքոսին։ «Բանի որ» ասում է նոյն թերթը, Կ. Պոլսի յոյն և հայ

պատրիարքարանների միջև այնքան բարեկամական յարաբերութիւններ կան, ինչո՞ւ նոյնը չլինի նոյն եկեղեցու երկու պետերի մէջ։ Ահադէմական թերթը մոռանում է, որ յունաց պատրիարքի համար բոլլարական էքզարքոսը մի ապստամբ է, մինչ հայոց պատրիարքը՝ պետ մի ինքնուրոյն եկեղեցու։

ՌՈՒՄԱՑ ԵՎԵՂԵԾԻ.

— Յունուարի մէկից արձակուած կայսերական հրովարտակով որոշուած է, որ այս տարի մայիս ամսուան մէջ թագադրութիւն լինի Ն. Կ. ՄԵԾՈՒԹԻԱՆԻ Այս մեծաշուք հանդիսի համար արդէն հրաւերներ են ուղարկուած ամենուրեք և ինչպէս երևում է Պոսիւայում մի մեծագումար համաշխարհային հանգէս տեղի կ'ունենայ արեւելեան շքեղութեամբ։

Թագադրութեան հանդիսի պատճառաւ հրամայուած է արդէն, որ բոլոր դպրոցական հաստատութեանց մէջ ուսումը դադարեցնեն մինչև մայիսի 10։ Այս տարի սովորական քննութիւնների փոխանակ ստորին և միջին դպրոցների աշակերտների փոխադրութիւնները տեղի կ'ունենան տարեկան թուանշաններով, իսկ բարձրագոյն դպրոցների քննութիւնները կը լինին օգոստոսին։

— Շուրջբայութեան գաւառներում օրթոդոքս եկեղեցիների շինութեան համար այս տարուանից որոշուած է տարեկան 50,000 և աւելի ծախսել տան տարի շարունակ։

— Ֆինլանդիայում ուսական եկեղեցականութեան պահպանութեան համար որոշուած է արքունի գանձարանից տարեկան 25,800 ռուբլի ոսկի տալ։

— Ռուս միսիոնարներից մէկը հետաքրքրական փաստ է հաղորդում մալականների մասին։ Սրանց ձեռքն է ընկել ուսաց գիտութեանց ձեռնարանի հրատարակութիւններից մի հատորը, ուր կայ տպուած Հուսի ժամանակ մի ոմն Խելինսկու հայհոյական գրուածքն ընդգէմ կաթողիկ եկեղեցու։ Արդ մալականները կարգում են այդ գրուածքը և նրա բոլոր փաստերն և հայհոյանքները վերաբերում օրթոդոքս եկեղեցուն։

— Անցեալ դեկտեմբերի 12-ին ուսաց եկեղեցու քառասնամեայ նշանաւոր և յայտնի անգամներից մէկի՝ Յոհան Իլիչ Սերգիեւի (Կրօնշտագոյ) յօբելեանը տօնուեցաւ։ Այդ անձն այնքան յայտնի է Ռուսաստանում, նոյն իսկ Կովկասում, որ աւելորդ չենք համարում նրա մասին մի քանի կենսագրական տեղեկութիւններ տալու։ Հայր Յոհան (Խանի) Արխանգելսկիի նահանգի Սուբա գիւղի մի

Հոգևորականի զաւակ է: ծնուած 1829-ին. նա կրթութիւն է նախ ծխական դպրոցում: ապա Հոգևոր դպրանոցում և աւարտել է իւր ուսմանը Պետերբուրգի Հոգևոր ճեմարանում 1851 թուին: Իւր գործունէութիւնը կամեցել է սկսել իրրեւ հիմա-նոսաց քարոզիչ: սակայն 1855 թ. քահանայ ձեռնադրուելով՝ նուիրել է իրեն ներքին քարոզութեան գործին: Կրօնշտադ քաղաքում նա քառասուն տա-րի անդադար գործել է իրրեւ կրօնուսոյց: քա-հանայ և քարոզիչ: նրա անունը շուտով հռչակուել է ամբողջ Ռուսիայում: ուր նրան ուղղակի հրաշա-գործ են անուանում: Ամէնքի յարգանքը վայելել է նա իւր առատ բարեգործութեամբ: որի համար ուսում ժողովուրդը միշտ մեծաքանակ նուէրներ է անում: նրան:

Ընդարձակ կայսրութեան ամէն անկիւններից ուխտաւորներ են գնում Կրօնշտադ այդ քահանա-յին անանելու և նրան լսելու: նա ամէն օր անհա-մար նամակներ է ստանում: որի մէջ խնդրում են նորան յիշել իրենց աղօթքի մէջ: նոյն իսկ յու-սահատ հիւանդները նրա աղօթքին են ապաւի-նում և այդ բանի համար մեծ գումարներ են նուի-րում: Ամբողջ մի խումբ հետևողներ ունի նա: որ ամէն կողմը հետևում են նրան: Հանգուցեալ Ա-լեքսանդր Գ. Կայսեր վերջին օրերին կանչուած էր հ. Յոհանն աղօթելու համար: Սերգիււ քահանան իւր ստացած նուէրներից առատ մասն է հանում աղքատներին: նա է հիմնել Կրօնշտադում առա-ջին «աշխատանաց տունը»: իւր ծախքով մի դպրոց է կանգնել իւր հայրենի գիւղում: Յօբելանի օրը ահագին բաղմութիւն է ժողովուել Կրօնշտադ յարգուած հովուին շնորհաւորելու: եկեղեցական թերթերը առանձին յօգուածներ են նուիրել նորա գործունէութեան:

— «Արեւի թեմական համբաւարներն» հաղոր-դում է: որ մի ուսուցիչ կին իւր կալուածքն ու 335,000 ոսկւի է կտակել զառամեալ Հոգևորա-կանների համար ապաստանարան կանգնելու այդ թեմում:

— Ռուսաց թեմական եկեղեցականների ժո-ղովներում խնդիր է յարուցուել Հոգևոր դպրոց-ներին կից նկարչութեան դասընթացներ հիմնելու համար միջնորդելու: Այդ դասընթացների նպա-տակն է եկեղեցական պատկերադրութիւնը վերա-տալն է եկեղեցական անկերպարութիւնը: որի յա-կանգնելը: Ահա մի շատ կարևոր խնդիր: որի յա-րուցման ժամանակը մեզ համար էլ հասել է: որով-հետև մեր քաղաքների և գիւղերի եկեղեցիք քի են օտար: անճոռնի և անճաշակ պատկերներով:

— Ըուրջբալթեան երկրում օրթոդոքսութեան ոյժ տալու նպատակով անցեալ տարի մի քանի

կենդաններում եկեղեցիք են շինուել և մեծ հան-դիսով օծուել: Այդ եկեղեցիներում ժամբար-թիւնն և քարոզները երբեմն լինում են տեղական լեզուներով: լատիշերէն և էստոներէն:

— Եկեղեցական—ծխական դպրոցների պահ-պանութեան գումարի վերայ այս տարուանից պիտի աւելանայ այլ ևս 150,000 ոսկւի:

— Վարչաւայի ուսու եկեղեցականների ժողո-վը հարկ է համարել խնդիր յարուցանելու: որ ա-մէն մի դօրագունդ Լեհաստանում ունենայ իւր ե-կեղեցին և միջոց տրուի քահանաներին իրենց պ-գոց Հոգևոր կրթութիւն տալու:

ԱՆԳՂՈՒՄՆ ՆԻՇՆԵՐԻ:

Հոռվմի պապը տեսնելով՝ որ միութեան հրաւերը ոչ մի հետևանք չունեցաւ Անգլիայում: այժմ ուրիշ ընթացք է բռնել: նա այնպիսի գործեր է անում: որ ցոյց տայ թէ ինքը չէ ձանաչում անգլիկան ե-կեղեցին: Պապը Անգլիայի կաթողիկ եկեղեցու ա-ռաջնորդ Վոհանն եպիսկոպոսին իրաւունք է տուել կրելու Ռեստմինստորի արքեպիսկոպոսութեան գի-նանշանը: շնայելով որ այդ գինանիշը Բէնտլըրբերի եպիսկոպոսին է և նա է կրում և շնայելով որ Անգլիայում առանձին վարչութիւն կայ: որի իրա-ւասութիւնն է զինանիշներ կրելու թոյլ տալը: Ռեստմինստորն այժմ ամբողջովին անգլիկան եկե-ղեցու ձեռքին է: բայց պապը ոչինչ չէ կամենում ձանաչել: Ծիրանաւոր Վոհանն նոր զինանիշը մի փոփոխութեան է ենթարկուել: փոխանակ կապոյտ տեղի: նա կարմիր պիտի լինի ինչպէս այն արեան: որ թափել են կաթողիկէները Անգլիայում:

— Անգլիական եկեղեցական «Christian World» թերթի ամէն մի համարում բազմաթիւ համակրու-թեանց և ցաւակցութեանց ժողովների մասին ներ կարգում: որ տեղի են ունենում թշուառացած Ցաճկահայոց համար: նոյն թերթի մէջ տպագր-ուած է մի աղօթքի հրաւեր: որի տակն ստորագր-ւել են անգլիական եկեղեցիների ամենամեծ անուն-ները: Այդ թղթով Անգլիոյ եկեղեցականները հը-րաւիրում են բոլոր քրիստոնեաներին աղօթել նա-հատակ հայերի համար: Այս հրաւերն արձագանք է գտել Եւրոպայում: ուր գերմանական թերթե-րից «Die Christl. welt» և Allgem. Evangel.—Luth. Kir-chenzeit. արտասպել են այդ: Ինչպէս մեզ հա-ղորդում են: Լայպցիգ քաղաքի բողոքական եկեղե-ցիք կիւրակի օրերն աղօթք են սահմանել հայոց համար և ստորագրութիւններ են ժողովում գերմ-կայսեր մատուցանելու: որ պաշտպան կանգնէ հալա-ծուած հայերին: «Christl. Welt» թերթի խմբագրու-թիւնն ստորագրութիւն է բացել յօգուտ կողոպ-տուած և աղքատացած հայերի: